



M soka Nabiyaamã, (Wënd puusg la A tulgr be a yĩnga) yaa zũnuub pugo zislem n yuud Wënd nengẽ? T'a yeele: «yaa fo sën na n maan mak-n-taag ne Wënde, tı Yë n yaool n naan foom

Yii a 'Abdullaah [bn Mas'ud nengẽ, (Wënd yard be a yĩnga), a yeelame: M soka Nabiyaamã, (Wënd puusg la A tulgr be a yĩnga) yaa zũnuub pugo zislem n yuud Wënd nengẽ? T'a yeele: «yaa fo sën na n maan mak-n-taag ne Wënde, tı Yë n yaool n naan foom», tı mam yeele: ad rë sid yaa yel-bedre, la m soke: rë poorë yaa böe? T'a yeele: «yaa fo sën na n ku f biiga, fo sën yeɛsd t'a na n wa naag foom n rı tı ka seke». Tı mam yeele: rë poorë yaa böe? T'a yeele: «yaa fo sën na n yo ne f yak paga».

[Naşun Şahıhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

B soka Nabiyaamã, (Wënd puusg la A tulgr be a yĩnga) zũnuub bed sën yude, t'a yeele: a sën tug n yuud yaa lagem-n-taare, la yë yaa fo sën na n maan wõnes-n-taaga maa gees-n-taaga ne Wënde, A sobendlemë wã maa A wëndlemë wã maa A yuyë wã la a sıfë wã, la zũnuub-kãngã Wënd ka yaafd-a rëndame tı yaa ne tuubg n bas-a, la a soabã sã n ki a zugu, yënda paada Bugmë wã, n ka yit ye. Rë poorë yaa ned sën na n ku a biiga, n yeɛsd t'a na n lagem-a n rı, yõor kuub yaa haraam, la zũnuub sën yaa zısg n tug n yuud tı sã n mik t'a sën ku ned ningã, yaa kuudã roagda, a zũnuubã leb n zısgdame n yuuda tı sã n mikame tı kuudã tagsgã yaa a sën yeɛsde, tı yë sën ku a soabã ra wa lagem yë n rı Wënd rıtlã ye Rë poorë yaa raoa sën na n yood ne a yak paga, rë yaa a sën na n modg n belg-a halı n tug n yo ne-a, t'a sak n pug-a, yoob yaa haraam, la a zũnuubã zısgdame n yuuda, tı sã n mik tı b sën yo ne wã yaa yak paga, yak ning sãri wã sën sagl tı b maneg n tug-a la b tall tũud-n-ta-sõng ne-a wã.

<https://sunnah.global/hadeeth/mos/show/5359>

